

Cov hom phiaj kawm ntawv tus kheej

IEP Goals—Hmong version

Tsab cai kawm ntawv ntawm tib neeg muaj qhov tsis taus (Individuals with Disabilities Education Act los yog IDEA) yog teb chaws America tsab cai kawm ntawv tshwj xeeb. Nyob hauv tsab cai no, yog ib tug me nyuam twg yog tus tau txheeb pom lawm tias yog ib tug “me nyuam muaj ib qho tsis taus,” nws muaj cai tau txoj kev kawm ntawv tshwj xeeb thiab cov kev pab cuam nrog.

Yog tias koj tus me nyuam muaj ib qho tsis taus, raws li tsab cai IDEA hais, ib pab neeg yuav tuaj koom ua ke los tham txog qhov kev qhia ntawv tshwj xeeb thiab cov kev pab twg uas koj tus me nyuam xav tau. Tam li leej niam leej txi, koj yog ib tug ntawm pab neeg no.

Pab no yuav saib cov ntaub ntawv sau muaj tseg hais txog koj tus me nyuam lawm. Cov ntawv no yog cov ntawv hais txog cov ntawv kawm hauv chav kawm, cov lus uas cov kws qhia ntawv thiab koj hais tawm, thiab qhov twv tau ntawm cov ntawv twv xyuas kev kawm tau ntawv. Cov ntawv no tseem yuav muaj ib qho ntawv ntsuam xyuas koj tus me nyuam uas yog lwm tus kws ntsuam xyuas tsis ua hauj lwm rau tsev kawm ntawv ua tau los.

Koj thiab lwm tus nyob hauv pab neeg no yuav siv cov ntawv no coj los txheeb xyuas seb koj tus me nyuam tab tom kawm tau ntawv li cas nyob hauv tsev kawm ntawv thiab qhov kev pab tshwj xeeb nws xav tau yog dab tsi tiag. Piv txwv li, tej zaum koj tus me nyuam muaj teeb meem nyeem ntawv, sau ntawv, mloog hais, hais lus, los yog coj tus cwj pwm coj yuav tsis tau. Ua ke ntxiv, pab neeg no yuav txiav txim siab seb qhov twg yog qhov koj tus me nyuam yuav tau kawm hauv xyoo kawm ntawv ntawd. Qhov uas pab neeg no tau txiav txim siab pom zoo lawm yuav muab coj los sau cia ua ib tsab ntawv hu ua tsab ntawv teev kev kawm ntawv tus kheej (Individualized Education Program los yog tsab IEP).

Cov hom phiaj kawm ntawv ib xyoos twg yog dab tsi?

Cov hom phiaj kawm ntawv ib xyoos twg teev cov kev txawj los yog tus cwj pwm coj uas tus me nyuam yuav tau kawm nyob hauv xyoo kawm ntawv ntawd.

No yog cov lus sau cia nyob hauv tsab ntawv IEP.

Cov hom phiaj yog cov qib kawm loj (big steps). Piv xam li, Maiv suav muaj 6 xyoo, tab sis cov ntawv ntsuam xyuas qhia tias nws tsuas paub qhia yam puav npe khoom xwb. Lub hom phiaj ib xyoo twg rau Maiv suav yuav yog, “Maiv suav yuav qhia tau 60 qhov khoom tshiab cov npe kom raug.”

Nqee tus me nyuam tseem yuav muaj cov kev kawm kom tau (objectives) uas yog ib feem ntawm tsab ntawv IEP. Cov kev kawm kom tau [los yog cov kev ua kom tau (benchmarks)] yog cov qib kawm me (small steps). Cov qib kawm me no yog muab cov hom phiaj loj ntawd cais los ua ntau qhov. Piv xam li, Maiv Suav muaj lub hom phiaj kawm kom qhia tau cov npe ntawm 60 yam khoom tshiab. Lub hom phiaj no tej zaum yuav muab cais mus ua ntau qhov kev kawm kom tau xws li:

1. Txog hnuv tim 31 lub 12 hlis, Maiv suav yuav qhia tau cov npe ntawm 20 yam khoom tshiab nyob hauv nws qhov chaw nyob.
2. Txog hnuv tim 15 lub 3 hlis, Maiv Suav yuav qhia tau cov npe ntawm 20 yam khoom tshiab ntxiv nyob hauv nws qhov chaw nyob.
3. Txog hnuv tim 15 lub 6 hli, Maiv suav yuav qhia tau cov npe ntawm 20 yam khoom tshiab ntxiv nyob hauv nws qhov chaw nyob.

Thaum Maiv suav ua tau tag nrho cov qib kawm no lawm, nws kuj kawm tau mus raws li nws cov hom phiaj xyoo ntawd lawm.

Maiv Suav tsab ntawv IEP yuav muaj cov hom phiaj (thiab tej zaum tseem muaj cov kev kawm kom tau tib si) sau tseg rau nws. Qhov tiag ces yuav tsum muab qhov nws xav tau coj los tsim ua cov hom phiaj kawm ntawv thiab muab sau rau hauv nws tsab ntawv IEP. Cov hom phiaj no los tseem yuav tsum muaj feem los txhawb tau qhov Maiv suav yuav mus koom tau thiab kawm tau cov ntawv qhia rau txhua tus me nyuam kom nce qib thiab.



Technical Assistance ALLIANCE
for Parent Centers
8161 Normandale Blvd.
Minneapolis, MN 55437-1044
952.838.9000
952.838.0190 TTY
952.838.0199 fax
888.248.0822 National Toll-free
alliance@taalliance.org

www.taalliance.org

Cov lus nug yuav tau xav txog:

Kuv tus me nyuam yuav tau ua li cas kom ua tau raws li lub hom phiaj? Pab neeg npaj kev kawm no yuav ntsuas qhov kawm tau nce qib li cas?

Tus me nyuam tsab ntawv IEP yuav tsum muaj cov lus hais txog qhov yuav ntsuas qhov kawm tau ntawv mus raws li cov hom phiaj txhua xyoo li cas. Tej zaum cov lus hais no yuav muab koj los sau nyob rau lwm qhov ntawm tsab ntawv IEP los yog yuav muab koj los sau ncaj qha ua cov lus hais nyob hauv lub hom phiaj.

Kuv yuav paub tau li cas tias kuv tus me nyuam kawm tau mus raws li cov hom phiaj sau nyob hauv tsab ntawv IEP?

Tsab ntawv IEP yuav tsum teev muaj ib sob lus hais tias tsev kawm ntawv yuav qhia li cas rau koj tias koj tus tub los yog tus ntxhais tab tom kawm tau ntawv li cas nyob hauv tsev kawm ntawv. Qhov lus no yuav muab koj los qhia rau koj paub yam tsawg los yuav tsum npaum li qhov tsev kawm ntawv qhia rau cov niam txiv ntawm cov me nyuam uas tsis muaj qhov tsis taus. Cov ntawv qhia qhov kawm tau ntawv yuav piav txog qhov kawm tau nce qib mus raws li tus me nyuam txhua lub hom phiaj. Koj yuav tau muab qhov hais qhia no koj los ua tib zoo saib kom tseeb.

Kuv ua tau dab tsi yog tias kuv tus me nyuam kawm tsis tau mus raws li nws cov hom phiaj?

Yog koj tsis xav tias koj tus me nyuam kawm tau mus raws li cov hom phiaj teev nyob hauv tsab IEP, kuj muaj ntau yam koj muaj cuab kav ua tau. Qhov ib, nrog tus kws qhia ntawv tshwj xeeb los yog tus tswj tsev kawm ntawv tham. Tej zaum koj yuav tau hais kom muaj ib lub rooj sib tham npaj kev kawm tus kheej. Koj muab tau koj tus me nyuam tsab IEP koj los tham dua thiab hloov kho dua thaum twg los tau. Pab neeg npaj kev kawm (uas muaj koj nrog) yuav los saib koj tus me yuam txoj kev kawm tau ntawv. Tej zaum yuav tau muab ntau hom kev pab los ntxiv. Tej zaum yuav tau muab cov hom phiaj no hloov. Tej zaum yuav tau muaj kev twv xyuas ntau ntxiv. Pab neeg npaj koj tus me nyuam tsab IEP muaj cuab kav txiav txim siab seb yuav ua tau dab tsi los txhawb kom nws kawm tau ntawv mus ntxiv.

Kuv tus tub muaj tsab IEP, feem ntau nws tsis yuav kev qhia ntawv los pab ntxiv hauv nws cov chaw kawm, tsuas yuav qhov chaw zaum tshwj xeeb xwb. Peb puas yuav tau sau ib lub hom phiaj rau qhov no?

Tsis tas muaj. Yog tias koj tus tub tsuas yuav qhov chaw zaum tshwj xeeb kom nws kawm tau ntawv hauv cov chaw sawv daws kawm xwb, nws tsab IEP tsis tas muaj ib lub hom phiaj hais txog qhov chaw zaum tshwj xeeb no. Qhov chaw zaum no yog ib qho kev pab txhawb uas nws xav tau los pab kom nws kawm tau ntawv xwb. Tsuas muab qhov no sau kom muaj cia rau hauv nws tsab ntawv IEP. Koj tus tub tsab ntawv IEP yuav muaj ib qho lus hais txog cov kev pab thiab cov kev txhawb (uas muaj cov kev pab txhawb, cov kev hloov kho los yog cov kev txhawb kom ua tau) uas tsev kawm ntawv muab los pab rau.

Qhov hais piv txog lub neej tiag

Maiv yog ib tug kawm ntawv nyob qib 4. Nws muaj qhov kawm tsis tau ntawv (Learning disability). Cov ntawv twv xyuas qhia tias Maiv muaj cuab kav nyeem cov phau ntawv qib 1 tau li 20 mus rau 30 lo lus ntawm ib feeb twg. Pab neeg npaj kev kawm sau ib lub hom phiaj ib xyoo twg rau Maiv los txhawb nws txoj kev nyeem ntawv.

Lub hom phiaj ib xyoo twg:

Maiv yuav nyeem cov ntawv hauv qib 2 kom tau li 60 mus txog 80 lo lus ntawm ib feeb twg thiab tsuas muaj qhov nyeem tsis raug ntawd tsis tshaj li 0 mus txog 2 lo xwb.

Yog Maiv tsab ntawv IEP tseem muaj cov kev kawm kom tau nrog ces, cov kev kawm ntawd yuav zoo li no:

Txog hnuv tim 15 lub 11 hlis, Maiv yuav nyeem tau cov ntawv hauv qib 1 kom tau li 60 mus txog 80 lo lus ntawm ib feeb twg thiab tsuas muaj qhov nyeem tsis raug ntawd tsis tshaj li 3 mus rau 4 lo.

Txog hnuv tim 15 lub 2 hlis, Maiv yuav nyeem tau cov ntawv hauv qib 1 kom tau li 80 mus rau 100 lo lus ntawm ib feeb twg thiab tsuas muaj qhov nyeem tsis raug ntawd tsis tshaj li 0 mus txog 2 lo.

Txog hnuv tim 15 lub 4 hlis, Maiv yuav nyeem tau cov ntawv hauv qib 2 kom tau li 40 mus rau 60 lo ntawm ib feeb twg thiab tsuas muaj qhov nyeem tsis raug ntawd tsis tshaj li 3 mus 5 lo.

Txog hnuv tim 15 lub 6 hli, Maiv yuav nyeem tau cov ntawv hauv qib 2 kom tau li 60 mus rau 80 lo ntawm ib feeb twg thiab tsuas pub muaj qhov nyeem tsis raug ntawd tsis tshaj li 0 mus rau 2 lo.

Maiv tus kws qhia ntawv yuav sau cia qhov Maiv nyeem tau ntawv thiab qhov nyeem tsis raug ntawd li cas tiag hauv lub xyoo kawm xwv thiaj ntsuas tau nws qhov kev kawm tau nce qib.

Saib mus rau qhov tsab cai hais:

Saib tsab cai kawm ntawv ntawm tib neeg muaj qhov tsis taus cov lus tswj hwm. Cov lus tswj hwm no muaj nyob hauv <http://idea.ed.gov>.

Cov ntawv sau cov lus tswj hwm no muaj nyob hauv tseem fwm fab kev kawm ntawv uas yuav muab tau koj los saib yam tsis raug nqi dab tsi. Yog koj xav tau daim ntawv hais txog cov lus tswj hwm no, koj hais mus rau hauv www.edpubs.org los yog hu tus xov tooj hais ua lus 1-877-433-7827, tus xov tooj ntaus ua ntawv hais yog 1-877-576-7734, tus xov tooj xa ntawv yog 301-470-1244.

Lwm qhov chaw muaj kev pab

Koom haum txhawb nqa kev lis dej num rau cov chaw txhawb niam txiv (Alliance) Tus xov tooj yog 1-888-248-0822, web site yog www.taalliance.org

Koom haum nthuav lus tawm qhia rau cov me nyuam muaj qhov tsis taus (NICHCY) Tus xov tooj yog 1-800-695-0285, web site yog www.nichcy.org

Qhov chaw txhawb cov niam txiv nyob ze ntawm koj: